

ПУДРАТ ШАРТНОМАСИ №4

Тошкент шаҳри

"26" сентябр 2022 йил

“Ўзбектелеком” АҚ “Тошкент шаҳар телефон тармоги” филиали номидан 30.12.2021 йилдаги №27-01-14/6019-сонли ишончнома бўйича иш кўрувчи директор Рустамов Ф.Ш кейинги ўринларда Буюртмачи деб аталиб бир томондан ва "JAVOHIR INVEST" МЧЖ номидан Устав бўйича иш кўрувчи директор Хидирова М.Ф. кейинги ўринларда Пудратчи деб аталиб, иккинчи томондан биргаликда “Томонлар” деб аталиб, қуидаги мазмунда Шартнома туздилар:

1. ШАРТНОМА ПРЕДМЕТИ

1.1. Пудратчи ўзининг имкониятига асосланган холда ҳамда Буюртмачининг топшириғига асосан қуидаги ишларни бажариш мажбуриятини: **“Тошкент Шаҳар Телефон Тармоги” филиалининг 265/266-ЭАТС биносидаги сотув оғисини тъмирлаш ишларини** бажаришни ўз зиммасига олади.

1.1. Буюртмачи эса ушбу бажарилган ишларни кабул килиш ва ҳаққини тўлаш мажбуриятини олади.

2. ШАРТНОМА БАҲОСИ

2.1. Шартнома баҳоси ҚҚС билан **62 772 607 (олтмиш икки миллион етти юз етмиш икки минг олти юз етти)** сўмни ташкил этади.

2.2. Пудратчи томонидан бажариладиган ишлар хажми ва нархлари мазкур Шартноманинг 1-сонли иловасига мувофик белгиланади ва белгиланган нархлар кейинчалик қайта кўриб чиқилиши мумкин эмас, қуидаги ҳоллар бундан мустасно:

- ишлар қийматини енгиб бўлмайдиган куч (форс-мажор) холатлари сабаб бўлганда;
- ишлар хажми Буюртмачи томонидан ўзгартирилганда;

3. ТЎЛОВ ШАРТЛАРИ

3.1. Буюртмачи мазкур Шартнома бўйича Бажарувчининг бажарган ишлари тўловини қуидагича амалга оширади:

- Шартнома имзоланган санадан бошлаб 10 (ўн) банк иш куни давомида мазкур Шартнома умумий қийматининг 30 (ўттиз) фоиз (**ўн саккиз миллион саккиз юз ўттиз бир минг етти юз саксон икки сўм ўн тийин**) сўм олдиндан ҳак тўлайди;

- Колган қисмини бажарилган ишлар қабул қилиб олиш далолатномасига (Ф-2) асосан ва счёт-фактура имзолангандан сўнг 10 (ўн) кун давомида тўлаб берилади.

3.2. Ишлар қабул қилиб олиш далолатномасига (Ф-2) асосан ва счёт-фактурада кўрсатилган умумий қийматидан 5 (беш) фоизини назорат ўлчови ишлари амалга оширилгандан сўнг 10 (ўн) иш кунида тўлаб берилади.

3.3. Буюртмачи кейинчалик тўлаш мажбуриятини олган холда, ишлар қабул қилиб олиш далолатномасига (Ф-2) асосан ва счёт-фактурада кўрсатилган умумий қийматидан 5 (беш) фоизини захира сифатида кафолат муддати тугагунча олиб қолиши хукуқига эга.

4. МАЖБУРИЯТЛАРНИ БАЖАРИШ МУДДАТЛАРИ

4.1. Пудратчи ушбу шартноманинг 1.1-бандида назарда тутилган ишларни 30% аванс тўлови амалга оширилган кундан бошлаб 90 (тўқсон) иш куни муддатида бажаради.

5. ТАРАФЛАРНИНГ МАЖБУРИЯТЛАРИ

5.1. Пудратчининг мажбуриятлари:

- 5.1.1. ўз кучи ва маблағлари хисобидан барча ишларни бажариш ва Буюртмачига лойиҳасмета хужжатларига мос келадиган ҳолатда ишларни топшириш;
- 5.1.2. лойиҳага мувофик зарурий материалларни, қурилмалар, бутловчи ашёларни қурилиш майдончасига етказиб келиш ва уларни қабул килишни, тушириб олишни, омборга жойлашни ҳамда қурилиш давомида уларни саклашни амалга ошириш;
- 5.1.3. ўз кучи ва воситалари билан материаллар, қурилмалар, ашёларни жойлаштириш ва ушбу шартнома бўйича ишларни бажариш учун зарур бўлган барча муваққат биноларни қуриш;
- 5.1.4. ушбу шартнома бўйича ишларни бажариш учун жалб килинаётган ихтисослаштирилган ташкилотлар билан ёрдамчи пудрат шартномалари тузилганлиги ҳакида Буюртмачини хабардор қилиш ва ёрдамчи пудратчилар томонидан ишларнинг бажарилишини назорат қилиш;
- 5.1.5. қурилиш майдончасида техника ва ёнгин хавфсизлиги ҳамда қурилиш майдончасининг кўрикланиши бўйича зарурий тадбирларнинг бажарилишини таъминлаш;
- 5.1.6. қурилиш майдончасида тозаликни саклаш;
- 5.1.7. қурилиш обьектларининг суғурта қилинишини таъминлаш;
- 5.1.8. қурилиши тугалланган обьектларни қабул қилиш далолатномаси имзолангандан кейин 10 кунлик муддатда қурилиш майдончасидан ўзига тегишли мол-мулкни олиб кетиш.

5.2. Буюртмачининг мажбуриятлари:

- 5.2.1. Белгиланган ҳажмда ва муддатда Пудратчига қурилиш майдончасини топшириш;
- 5.2.2. Шартномада белгиланган миқдорда ва муддатда шартноманинг 1.1-бандида назарда тутилган ишларни бажарганлик учун Пудратчига ҳақ тўлаш;
- 5.2.3. Пудратчининг ёзма хабарномасини олган санадан бошлаб 2 хафта ичida обьектни қабул қилиб олиш.

6. ТАРАФЛАРНИНГ ЖАВОБГАРЛИГИ

6.1. Мазкур Шартнома мажбуриятларини бажармаслик ёки тегишлича бажарилмаганлиги учун “Пудратчи” ва “Буюртмачи” Ўзбекистон Республикасининг амалдаги қонунчилигига мувофик жавобгар бўладилар.

6.2. Ўз вақтида бажарилмаган ишлар учун “Буюртмачи” “Пудратчи”дан, ҳар бир кечикирилган куни учун, бажарилмаган ишлар кийматининг 0,5 фоиз миқдорида, лекин бажарилмаган ишлар кийматининг 50 фоиздан кўп бўлмаган миқдорда жарима ундириш хуқуқига эга.

6.3. Сифатсиз бажарилган ишлар учун “Буюртмачи” “Пудратчи”дан, сифатсиз бажарилган ишлар кийматининг 20 фоиз миқдорида жарима ундириш хуқуқига эга.

6.4. Мазкур Шартноманинг 3.1 банди иккинчи хатбошида кўрсатилган муддатлардан кечикириб тўлов ўtkазилганда, “Пудратчи” “Буюртмачи”дан, ҳар бир кечикирилган кун учун, кечикирилган тўловнинг 0,5 фоизи миқдорида, лекин кечикирилган тўлов кийматининг 50 фоиздан кўп бўлмаган миқдорда жарима ундириш хуқуқига эга.

6.5. Агар Пудратчи шартнома бўйича ишлар тугаллангандан сўнг ўзига тегишли материалларни қурилиш майдончасидан олиб кетмаса, Буюртмачи қурилиш майдончаси бўшатиб берилган санага қадар Пудратчига бажарилган ишлар учун ҳақ тўлашни тўхтатиб туришга ҳақли.

6.6. Жаримани тўлаш тарафларни мажбуриятларини бажариш ёки камчиликларни бартараф этишдан озод этмайди.

7. ФОРС-МАЖОР

7.1. Тарафлар ихтиёрига боғлиқ бўлмаган, уларни олдиндан билиш ёки олдини олиш имконияти бўлмаган ҳолатлар (енгиб бўлмас куч) оқибатида мажбуриятларни бажармаганлик ёки лозим даражада бажармаганлик учун тарафлардан бирортаси иккинчи тараф олдида жавобгар эмасдир. Бундай ҳолатлар жумласига эпидемиялар, табий оғатлар, харбий ҳаракатлар киради.

7.2. Тегишли савдо палатаси ёки бошқа ваколатли орган томонидан берилган гувохнома енгиб бўлмас кучнинг мавжудлиги ва амал килишининг давомийлигини тасдиқлаш учун етарли ҳужжатдир.

7.3. Ўз мажбуриятларини бажара олмаётган тараф енгиб бўлмас кучнинг мавжудлиги ва унинг шартнома бўйича мажбуриятларни бажаришга таъсири ҳакида иккинчи тарафга 10 (үн) кун муддатида хабарнома бериши лозим.

8. НИЗОЛАРНИ ҲАЛ ҚИЛИШ ТАРТИБИ

8.1. Ушбу шартнома бўйича ёки у билан боғлиқ ҳолда тарафлар ўртасида келиб чиқадиган барча низолар ва зиддиятлар тарафлар ўртасида музокаралар олиб бориш йўли билан ҳал этилади.

8.2. Музокаралар олиб бориш йўли билан низоларни ҳал қилишга эришилмаган тақдирда, мазкур шартноманинг тузилиши, унинг шартларининг ўзгариши, бузилиши, ижро этилиши, бекор бўлиши, тугатилиши ва ҳақиқийлиги юзасидан келиб чиқувчи барча низолар, келишмовчиликлар Туманлараро иктисодий суд томонидан кўриб чиқилади.

9. ШАРТНОМАНИ ЎЗГАРТИРИШ ВА УНГА ҚЎШИМЧАЛАР КИРИТИШ ТАРТИБИ

9.1. Мазкур шартномага ҳар кандай ўзгартериш ва қўшичалар улар ёзма равишда расмийлаштирилган ва тарафларнинг ваколатли шахслари томонидан имзоланган тақдирда ҳақиқий ҳисобланади.

9.2. Мазкур шартномани муддатидан олдин бекор килишга тарафларнинг келишувига мувофиқ ёки Ўзбекистон Республикасининг амалдаги қонун ҳужжатларида назарда тутилган асосларга кўра, етказилган заар қопланган ҳолда йўл қўйилади.

9.3. Буюртмачи қўйидаги ҳолларда шартномани бекор килишга ҳақли: - Пудратчининг айби билан қурилишнинг бориши ушланиб қолса ва қурилишни тугатишнинг шартномада белгиланган муддатидан ошиқ муддатга кечикирилса; - Пудратчининг шартнома шартларини бузиши оқибатида лойихада назарда тутилган ишлар сифати пасайса.

9.4. Шартнома бекор қилинганда Буюртмачи ва Пудратчининг биргаликдаги келишувига мувофиқ тугалланмаган қурилиш Буюртмачига топширилади ва у биргаликда келишилган ҳажмда бажарилган ишлар кийматини Пудратчига тўлаши лозим.

9.5. Шартномани бекор қилиш ҳакида қарорга келган тараф иккинчи тарафга 10 кун олдин ёзма билдиришнома юбориши шарт.

10. БОШҚА ШАРТЛАР

10.1. Объектнинг ва унинг таркибига кирувчи мухандислик тузилмалари, ускуналар ва материалларнинг нормал ишлаши учун кафолат муддати тарафлар қурилиши тугалланган объектни қабул қилиши далолатномасини имзоланган пайтдан бошлаб 12(үн икки) ой муддатга белгиланади (объектга учинчи шахслар томонидан заар етказилган ҳоллар бундан мустасно).

10.2. Кафолатли фойдаланиш муддати давомида объектдан нормал фойдаланиш имкониятини бермайдиган даражадаги камчиликлар аниқланса ва уларни бартараф этмасдан туриб объектдан фойдаланиб бўлмаса, кафолат муддати камчиликларни

бартараф этиш учун зарур бўлган муддатга узайтирилади. Камчиликларни бартараф этиш Пудратчи томонидан ва унинг хисобдан амалга оширилади.

10.3. Камчиликларнинг мавжудлиги ва уларни бартараф этиш муддатлари Буюртмачи ва Пудратчининг кўшма далолатномасида кайд этилади.

10.4. Агар Пудратчи камчиликлар аникланганлиги ҳақидаги далолатномада кўрсатилган муддатда бажарилган ишлардаги камчиликларни бартараф этмаса, Буюртмачи камчиликларни бошқа ижрочининг кучи билан, харажатларни Пудратчига юклаган холда бартараф этишга ҳақли.

10.5. Пудратчи камчиликлар аникланганлиги ҳақидаги далолатномани тузишдан ёки имзолашдан бош тортган тақдирда, Буюртмачи уларни тасдиқлаш учун малакали экспертиза тайинлайди ва бу экспертиза камчиликлар ва уларнинг хусусиятларини кайд этган холда тегишли далолатнома тузади.

10.6. Пудратчи Буюртмачининг ёзма розилигисиз обьект қурилишининг ёки унинг алоҳида қисмининг лойиҳа ҳужжатларини бошқа учинчи шахсга сотишга ёки топширишга ҳақли эмас.

10.7. Объектни қуриш натижасида Пудратчининг айби билан учинчи шахсга етказилган зарап Пудратчи томонидан, Буюртмачининг айби бўлганда эса – Буюртмачи томонидан қопланади. Барча холларда Пудратчи етказилган заарни тугатиш учун зудлик билан чоралар кўради, шу жумладан тегишли харажатларни Буюртмачи коплайдиган тақдирда ҳам.

10.8. Ушбу шартнома икки нусхада тузилган бўлиб, икала нусха ҳам бир хил юридик кучга эгава тарафларга бир нусхадан берилади.

10.9. Шартноманинг амал қилиш муддати: 2022 йил 31-декабргача.

11.ТАРАФЛАРНИНГ РЕКВИЗИТЛАРИ:

ПУДРАТЧИ:

"JAVOHIR INVEST" МЧЖ

Манзил: Тошкент шаҳар Учтепа тумани
Тошканди кучаси 13 –уй
Тел:
Х/р: 2020 8000 4046 0177 4001.
Банк: Учтепа тумани ТИФ МБ
МФО: 00 918. ИИН: 206 052 274
ОКЭД: 71 280



М.Ф.Хидирова

БУЮРТМАЧИ:

"O'zbektelekom" АК "Тошкент шаҳар телефон тармоги" филиали

Манзил: Тошкент шаҳар, Кичик Халқа йўли
кўчаси 2-уй. 100084.
Тел:(71) 233-65-50. Факс:(71) 232-15-15.
Х/р: 2021 0000 6040 7483 8051.
Банк: АТ “Алокабанк” амалиёт бошкармаси
Тошкент шаҳри.
МФО: 00 401. ИИН: 203366731.
ОКЭД: 631100.



Ф.И.Рустамов